

# Znakovi lijepog završetka

[ Bosanski – Bosnian – بوسني ]

Usama b. Gurm el-Gamidi

**Prijevod:** Senad Muhić

**Revizija:**  
Ersan Grahovac

2013 - 1434

IslamHouse.com

# ﴿ علامات حسن الخاتمة ﴾

« باللغة البوسنية »

أسامة بن غرم الغامدي

ترجمة: سناد موهيتش

مراجعة:

أرسان غراهوفاتس

2013 - 1434

IslamHouse.com

## Znakovi lijepog završetka na ovome svijetu

1. Izgovaranje kelimei šhadeta prije samog preseljenja. Allahov Poslanik, sallallahu alejhi ve sellem, je rekao: „**Kome zadnje riječi budu *la ilahe illalah, ući će u Džennet.***“<sup>1</sup>
2. Smrt znojnog čela. Priča Burejda ibn Husaj, radijallahu ‘anhu, da je bio u Horasanu, pa je posjetio svoga bolesnog brata. Kada je stigao kod njega on je već preminuo, a na njegovom čelu je bio znoj, pa je rekao: „Allahu ekber, čuo sam Allahova Poslanika, sallallahu alejhi ve sellem kako kaže: '**Smrt vjernika je sa znojnim čelom.**'“<sup>2</sup>
3. Smrt uoči petka ili petkom danju. Rekao je Poslanik, sallallahu alejhi ve sellem: „**Nema ni jednog muslimana koji umre u danu petka ili po noći, a da ga Allah neće sačuvati kazne u kaburu.**“<sup>3</sup>
4. Pogibija na Allahovu putu. Allah Uzvišeni je rekao: ***Nikako ne smatraj mrtvima one koji su na***

---

<sup>1</sup> Bilježe: Ebu Davud, br. 3116., Hakim, 1/351., Ahmed, 5/233., lanac hadisa je dobar.

<sup>2</sup> Bilježe: Ahmed, 1/361., i tekst hadis je njegov, en-Nesai, 1/259., Tirmizi, 2/128. i za njega kaže da je dobar hadis, Ibn Madže, 1/443-444., Ibn Hibban, br. 730., Hakim, 1/361., Tajalisi, br. 808., Ebu Nuajm u djelu *El-Hiljetu*, 9/223. i hadis je vjerodostojan.

<sup>3</sup> Bilježe: Ahmed, br. 6582. i 6646., i Tirmizi, br. 1074.; kada se sakupe svi njegovi rijaveti, hadis je hasen ili sahih.

*Allahovu putu izginuli! Ne, oni su živi i u obilju su kod Gospodara svoga, radosni zbog onoga što im je Allah od dobrote Svoje dao i veseli zbog onih koji im se još nisu pridružili, za koje nikakva straha neće biti i koji ni za čim neće tugovati; radovaće se Allahovoj nagradi i milosti i tome što Allah neće dopustiti da propadne nagrada onima koji su bili vjernici.* (Ali Imran, 169–171.). Poslanik, sallallahu alejhi ve sellem, je rekao: „**Šehid kod Allaha ima šest odlika: bude mu oprosteno kod prve kapi njegove krvi, vidi svoje mjesto u Džennetu, biva sačuvan kaburske patnje, biva siguran od Velikog užasa, biva ukrašen odjećom imana, biva oženjen sa hurijama i moći će da se zagovara za sedamdeset članova svoje porodice.**“<sup>4</sup>

5. Da preseli čineći neki od ibadeta, obavljajući hadždž ili dok je bio postač, a ima i onih koji umiru dok su učili Kuran. Prenosi se od Džabira, radijallahu ‘anhu, da je Allahov Poslanik, sallallahu alejhi ve sellem, rekao: „**Svaki rob će na Sudnjem danu biti proživljen u stanju u kakvom je preselio.**“<sup>5</sup> Allahov Poslanik, sallallahu alejhi ve sellem, je rekao: „**Kada Allah želi dobro Svom robu, učini da radi ono što je**

---

<sup>4</sup> Bilježe ga Tirmizi, 3/17., koji ga je ocijenio vjerodostojnim, Ibn Madže i ovo je njegova verzija, 2/284., i Ahmed 4/131. Lanac ovog hadisa je ispravan.

<sup>5</sup> Bilježi ga Muslim, br. 2878.

**korisno.“ Rečeno je: „Kako to?“ „Uputi ga da čini dobro djelo, a zatim ga usmrti dok je još u stanju činjenja tog djela.“<sup>6</sup>**

6. Smrt od kuge, utopa, stomačne bolesti, urušavanjem, u požaru, smrt žene prilikom poroda i smrt od tumora. Prenosi se od Džabira, radijallahu ‘anhu da je Allahov Poslanik, sallallahu alejhi ve sellem, rekao: „**Šehida ima sedam vrsta, mimo onog koji umre na bojnom polju: ko umre od kuge je šehid, u potopu, od tumora, stomačne bolesti, požara, zbog ruševina i žena prilikom poroda (temutu bi džum’in).**“<sup>7</sup>
7. Ko pogine braneći svoj imetak, porodicu, vjeru i život. Allahov Poslanik, sallallahu alejhi ve sellem, je rekao: „**Šehid je onaj ko pogine braneći imetak, porodicu, vjeru i sebe.**“<sup>8</sup>
8. Ko posavjetuje vladara pa ga ovaj ubije. Allahov Poslanik, sallallahu alejhi ve sellem, je rekao:

---

<sup>6</sup> Bilježe ga Ibn Hibban, br. 341., i Ahmed, br. 12055.

<sup>7</sup> Ovaj hadis bilježi imam Malik i spomenuta verzija je njegova, 1/232-233.; Ebu Davud, 2/26.; Nesai, 1/261.; Ibn Madže, 2/185-186.; Ibn Hibban u svome *Sahihu*, 1616.; Hakim, 3528.; Ahmed, 5/446. Hadis je vjerodostojan. U vezi izraza „bi džumin“ koji se spominje u hadisu, imam Hattabi u djelu *En-Nihaje*, veli: „Žena koja umre, a u stomaku nosi dijete, a rečeno je da se misli i na ženu koja umre kao djevice.“ Pogledaj: *Avnu-l-mabud šerh Suneni Ebi Davud*, str.1328.

<sup>8</sup> Bilježe: Ebu Davud, 2/275, Tirmizi, 2/316., koji veli da je hadis hasen sahih; Ahmed i ovo je njegova verzija br. 1652-1653.

**„Prvak šehida je Hamza ibn Abdulmuttalib i čovjek koji ustane ispred vladara, pa mu naredi činjenje dobra i zabrani činjenje zla, pa ga ovaj ubije.“**

9. Kada muslimani pohvale preminulog. Prenosi se od Enesa, radijallahu ‘anhu, da je jedne prilike prošla dženaza, pa su je pohvalili, a Poslanik je rekao: **„Obavezan mu je, obavezan mu je, obavezan mu je.“** Kada je prošla druga dženaza, rekli su o njoj loše, a Poslanik je ponovio: **„Obavezan mu je, obavezan mu je, obavezan mu je.“** **„Zatim ga je Omer upitao o tim riječima, pa je rekao: 'Onoj koju ste pohvalili hajrom, obavezan je Džennet, a onoj o kojoj ste loše govorili, obavezan je Džehennem. Vi ste Allahovi svjedoci na zemlji, vi ste Allahovi svjedoci na zemlji, vi ste Allahovi svjedoci na zemlji!'“**<sup>9</sup> U drugoj verziji stoji: **„Doista meleki govore shodno onom što je na jezicima sinova Ademovih o drugima, bilo da se radi o dobru ili zlu.“**<sup>10</sup> Poslanik, sallallahu alejhi ve sellem, je rekao: **„Svaki musliman kome posvjedoče četverica da je bio dobar, Allah će ga uvesti u Džennet!“** Rekli smo: **„A trojica?“** **„I trojica.“** **„A dvojica?“** **„I dvojica.“** **„Zatim nismo pitali ako posvjedoči samo jedan.“**<sup>11</sup>

---

<sup>9</sup> Bilježi Buhari, br. 1301.

<sup>10</sup> Bilježi Buhari, 3/177., 5/192-193. i Muslim 3/53.

<sup>11</sup> Buhari, br. 1368., Nesai, br. 1934. i Ahmed, br. 129., br. 204.

10. Znakovi koji se vide na mrtvome prilikom gasuljenja i kupanja, kao na primjer uzdignut prst koji ukazuje na kelimei šehadet, svjetlost na licu, radost, nasmijanost, osmijeh i slično tome, jer je sve to znak da je umra osoba obradovana Allahovim zadovoljstvom i Džennetom, a meleki su ga lijepo dočekali. Nekada možeš vidjeti mrtvaca koji ima osmijeh i ne napušta ga sve dok se u ćefine ne stavi. Od tih lijepih znakova može biti olakšano gasuljenje, mehkoća i blagost tijela, jer većina tijela biva ukočenima i krutima, a Allah zna najbolje.